

敬
言
铎

警鐸卷三

慈悲大士降

月照菩提樹

光增碧落天

有緣能遇此

凡骨換金仙

三教異同論

如來說不應住色生心。色者何物也。盈天地間皆物。盈天地間皆色。不應住於心。則心無繫念。不為外物誘矣。蓋有形之色有盡。無形之色無盡。有形之色盡。

而吾心忘。無形之色。我不卻之。令其日往來於心。則足以喪吾靈明而敗吾德行。故如來說不應住色生心。推斯義也。則與儒家之無欲少異。儒家之無欲。非無物也。非無色也。但有當有不當耳。用之當而不外求。則無欲。用之不當而外求。則有欲。實而空。空而實。釋家之不應住色生心。則舍心而外無物矣。舍身而外無色矣。空而空。實亦空。道家之無為。所貴者清淨也。所尚者寂滅也。與釋家之不住色。儒家之無欲。又

畧異清淨不住色也。貴清淨則不住色而住色矣。寂滅無欲也。尚寂滅則無欲而有欲矣。然不與世爭則又同乎不住色與無欲。總之佛曰慈悲。儒曰忠恕。道曰感應。三教之名雖不同。三教之理則一而二二而一者也。孰謂三教不同哉。

迎迓仙真周降
高會賦羣仙
壺中日月綿
得參消息透
相對意悠然

立命說

命有三。有主理言者。有主氣言者。有主數言者。以理言。中正仁義是也。以氣言。清濁純雜是也。以數言。夭壽死生。貧賤富貴是也。三者皆前定也。而要必視理為轉移。人能於中正仁義之理無虧。則氣之濁者可轉為清。雜者可轉為純。人能於中正仁義之理無愧。則雖夭亦壽。雖死亦生。雖貧亦富。雖賤亦貴。况夭者有時而壽。死者有時而生。貧者有時而富。賤者有時

而貴。人何樂而不全乎中正仁義之理。而為富貴福
壽中人哉。人又何樂而反乎中正仁義之理。而甘為
貧賤死亡中人哉。噫。世之不中不正不仁不義者。我
知其故矣。人之言曰。方今天下。一矯詐相攻之天下
也。竭力鑽營。猶恐不足救死。競言運動。猶恐不能救
貧。猥曰仁義可以求富貴。中正可以求福壽。是何說
之迂也。於是人人悖乎理之真。汨乎氣之正。逃乎數
之外。日夜營營。以求所謂富貴福壽者。加以花天酒

地。斲喪無餘。晝陰夜陽。倒置不顧。每至臨渴掘井。許
愿求神。冀開一綫之恩。俾獲延年之福。孰知命不我
待乎。此天固於冥冥中。予之以命。而不知所以立之
者也。嗚呼。人心不古。罪惡貫盈。大命將傾。猶不知悔。
是猶厝火積薪之下。而寢其上。晏然不知命之將斃
也。豈不痛哉。然則如之何。亦惟窮理盡性。以俟其命
而已。夫蘭因絮果。儒者不言。而其理固有確然不易
者。人能存心利濟。正己化人。不特己命可全。子孫亦

將食報。不特生前無恙。沒後直可為神。非冀倖也。如
植花然。澆灌當時。恆久不敗。如種果然。不鑽其核。隨
處發生。其理固甚可憑也。如必以氣數限之。則命由
天造。福自己求。何以傳為篤論哉。是在世之立命者。
清虛靜一真人降

一炁貫先天 優游不計年 陵夷嗟聖教

道統果誰肩

原道

自元黃剖判以來。及今數萬年矣。當其初雖文明未備。而道實存乎其間。自堯舜起而發揮之。危微精一。確有心傳。而道統始相承於不墜。至孔子集羣聖大成。為萬世師表。然後天下人民。惇然有所遵循焉。一舉動間。莫不有規矩。一念間。莫不有鬼神。此君君臣臣。父父子子之所由正也。大哉孔子。道貫古今。固生民未有也。亞聖孟子。善養浩然之氣。而以道統自肩。其功洵不在禹下。及孟子沒。而其傳泯焉。天下賢

貿焉莫知所之人。欲肆而天理滅矣。宋德隆盛。治教
休明。濂洛關閩。真儒輩出。辨異端。闢邪說。使聖人之
道。煥然復明於世。此道學之所由名也。元明諸子。各
有師承。迄至國朝。約分兩派。一主程朱。一主王陸。
皆大有益身心也。今者運屬下元。羣言龐雜。不知大
道之真。而以聖教為無實用。致令天下之人。不入於
此。則入於彼。噫。昔之三教。今則數十教矣。歧途雜出。
何以知其是。且非哉。世有其人。仗大義而昌明大道。

使天下之人。確乎知所依歸。則旁門小術。庶幾不為
天下害矣。明大道以正人心。正人心以正天下。是亦
天下之大德。人是亦聖門之大忠臣也。世有其人。吾
其北面事之。世無其人。吾其拭目俟之。
翠峩山阿羅尊者降。白雲深處舊參禪。明月清風不計年。
普渡有緣償夙願。重來煙柳雨湖邊。
慨釋子。

噫。佛教之衰久矣。自佛教初入小國時。原以行善修身。作民模範。故其為教也。以自度度人為主。亦如儒家之身律身度。故得並行中土。合道為三教焉。歷二千餘年而不悖。有如日月經天。江河行地者矣。以下之大。人民之眾。山陬海澨。僻處遐方。教化所不行。風氣所不及。非得佛教維持其間。內以修身。外以行善。其何以銷鋒鏑。慶安謐哉。夫其論功過。所以使人知非也。談經懺。所以使人知悔也。說因果報應。所以

使人知遷善去惡也。其利益眾生不綦大哉。此佛教
化人之本意也。孰意歷年既久。流弊滋深。有藉經懺
為利藪。以愚弄他人者。有藉佛教為逋逃藪。以避禍
患者。有明為奉佛而暗悖佛者。有名為尊佛而實謗
佛者。三皈五戒。置若罔聞。佛法佛言。束之高閣。徒以
好名貪利為己之能。見富豪者則不惜低下以求之。
祇求囊橐之盈。不計卑污之辱。遇貧賤者則以侮慢
相加。不念慈悲為本。如此則佛教奚在。佛法何存。安

望道岸獨登。而不為地獄種子哉。既不能為佛教樹
規方。又不能為國家襄王化。徒耗天下之財。而率蒼
生於無用。天地間何必有是人。抑何必有是教。人其
火其書。廬其居。其亦可矣。嗚呼。安得有深明象教
者。出而作中流之砥柱乎。
雲遊仙子降
瀟洒人間莫與儔
雲車風馬任遨遊
往來縹緲虛無境
乍入光明白玉樓

固本清源論

樹之茂者必因本之固。未有不培其本而能茂其枝
葉者。流之遠者必因源之清。未有不濬其源而能流
及河海者。人於父母伯叔兄弟亦然。人不孝順之和
睦之。而能昌大其子孫者。未之有也。夫天下雖大人
民雖眾。能各親其親。長其長。自可轉弱為強。轉衰為
盛。此即固本清源之義也。今人不明斯義。每見有己
身安逸。而父母則勞碌奔波。己身溫厚。而伯叔則仰

食他人己身富有。而兄弟則貧寒過日。如此而為善。有何益哉。蓋舍本務末。棄親及疏。雖有功。不為美。有善不足道矣。况親親長長之義。推之不窮。五服內外。凡大於我。長於我。同為一本之親者。皆當盡固本清源之義焉。人能如是。而猶不聊生。吾不之信。靜一真人降一辭。其一萬事畢。夫其一萬事。豈莫始。學之說一。說一。故無與辭。辭莫莫。莫莫。莫莫。莫莫。吾道一以貫之一者何。始數也。萬物始於一。成於一。

天得一以清。地得一以寧。人得一以貞。此一也。誠聖學之淵源。玄妙無窮。精微莫測者也。人無論智愚賢不肖。皆有此一。得其一。萬事畢。失其一。萬慮逼。是故儒家存一。道家守一。釋家抱一。誠以天無一則不能日月長明。地無一則不能河山永固。人無一則憂苦百端。災害並至。而能留此身以不朽者。尠矣。今諸子躬入聖門。已知存一。當如道家之長守此一。釋家之長抱此一。庶一之旨克全。一之規克盡。尚其一德一